

序

陳州為少昊氏之墟開天聖  
人建極地也周武王燹伐虐  
定以虞滿為神明之裔分茅  
宛邱遂建邦焉時迨春秋其  
里卷歌謠列三百篇中而朝

聘會盟見於麟經皆經仲尼  
之手陳之為陳由來舊矣余  
往歲承乏豫省備貞旬宣於  
教養民生如廣義學勸種植  
培堤防勤疏濬數大端外曾  
檄各郡縣修纂志書蓋以冬

屬所有志書久不事編輯百  
餘季來沿革建置典章文物  
及地畝之墾闢丁口之生息  
清勤慈惠之在牧令忠孝節  
義之在閭閻其有卓乎可紀  
者恐至久而沉湮也陳州太

守崔君應階居官有幹才品  
端而守潔蕪嫻風雅余雅重  
之其奉斯檄也覃精竭慮開  
局設堂廣羅旁搜又禮聘博  
古名彦相與採擷群書攷核  
精確赫膏繼晷再閱寒暑而

其事始竣時余已蒙

恩命補授京職矣崔君以事發端  
於余走字告成且徵弁言余  
於斯不獲呂無文辭也間嘗  
覽舊志紀陳風俗高節義尚  
廉恥重喪葬謹婚姻俗為近

古余因之有感焉上古神聖  
肇造之區又至聖過化之地  
俗之近古也固宜况經我

朝

聖聖相承漸摩涵濡至百年之久  
其為醇茂而粹美當何如哉

有人才然後有政治有教化  
然後有風俗斯固不易之理  
也抑又聞昔久之言曰為治  
不在多言顧力行何如耳崔  
君於茲役不憚勞不辭費寬  
以歲月期於盡善所謂力行

者非耶而果盡其能事克底  
於成足以信今而傳後力行  
之效亦大可觀矣今陳烟戶  
日蕃畝畝盡闢論術序則誦  
讀遍郊坰語材木則翁鬱交  
陂衢凡正德厚生之事莫不



畢舉蔚然可觀惟此死邱左  
右及其屬縣地苦霍下每逢  
積雨輒害稼穡常待

天家之帑庾始遂婦子之嬉恬所  
為堤防䟽濬數年來講求畝  
澮盡力溝洫思化沮洳為沃

壞者余又將於崔君乎樂觀  
厥成也已

岢

乾隆十一年嘉平月朔五日

賜進士出身通政使司右通政前  
河南等處承宣布政使司布

政使加二級紀錄四次通海  
趙城亘輿氏書



# 序

古者列國皆有史之文也而治理寓  
焉今之郡邑志猶古之列國史也凡  
天文之機祥地理之疆域以及人官  
物曲之宜有關於政治者靡不備載  
蓋治以經世文以輔治勒成一書所

以彰注而示來也昔朱熹陽守南康  
下車卽詢舊志說者謂其識治體志  
之由來尚矣陳太昊之墟也嗣經神  
農緇都以火德王媯滿受封以備三  
恪孔子弦歌所過者化其地殆與他  
境殊而予遐溯混沌循蜚因提䟽仡

之紀文字未興結繩而治故其時茫  
易荒渺無傳政六無傳書粵自伏羲  
氏作始畫八卦用造書契於是制網  
罟以佃以漁於是化蚕桑以給衣服  
於是分壤時穀以制國用而且儻皮  
合姓以為禮斲桐絃染以為樂六佐

分命百令具舉厥後聖帝括王經緯  
萬端雖極之炳々麟々而皆由是以  
導流竟委是義皇之世固乾坤開闢  
以來文治肇興一大會而發祥有地  
實始於陳誠與他境殊矣夫上古  
聖人屬當艸昧猶不憚仰觀俯察通



德類情以滌兩間之樸陋洩萬世之  
菁華後之人躬際文治昌明而願因  
循踵接使一時掌故久而就湮可乎  
哉我

朝定鼎而後

列聖相承大化翔洽綿歷百有餘年海宇